

ISSÆ NOVISSIMÆ DE PRÆCEPTO,

Ex Decreto SS. D. N. PP. CLEMENTIS XIV.

Die xx. Julii. S. Hieronymi Æmiliani Confessoris.

Die xxi. Augusti. S. Joannæ Franciscæ Fremiot de Chantal.

Die xx. Julii.

IN FESTO S. HIERONYMI
Æmiliani Confessoris.

Introitus.

Jerem. Thr. 2. 11.



Effusum est in terra jecur
meum super contritione fi-
liæ Pópuli mei, cum defi-
ceret párvulus & lactens in
platéis oppidi.

Psalmus 112. Laudáte púeri

Dóminum: laudáte nomen Dómini.

✠. Glória Patri, &c.

Oremus.

DEus misericordiárum Pater, per mé-
rita & intercessiónem beáti Hieró-
nymi, quem Orphanis adjutórem &
patrem esse voluísti, concéde: ut spíri-
tum adoptionis, quo filii tui nominá-
mur & sumus, fidéliter custodiámus.
Per Dóminum.

Léctio Isaíæ Prophétæ.

Cap. 58. v. 7.

FRANGE esuriénti panem tuum, & egé-
nos vagósque induc in domum tuam:
cúm videris nudum, óperi eum, & car-
nem tuam ne despéxeris. Tunc erúmpet
quasi manè lumen tuum, & sánitas tua
cítius oriétur, & anteíbit faciém tuam
justítia tua, & glória Dómini colliget
te. Tunc invocábis, & Dóminus exáu-
diet: clamábis, & dicet: Ecce adsum;
si abstúleris de médio tui caténam, &
desíeris exténdere dígitum, & loqui quod
non prodest. Cúm effuderis esuriénti áni-
mam tuam, & ánimam afflíctam replé-
veris, oriétur in ténebris lux tua, & té-
nebræ tuæ erunt sicut merídiés. Et ré-
quiem tibi dabit Dóminus semper, &
implébit splendoribus ánimam tuam, &
ossa tua liberábit, & eris quasi hortus
irriguus, & sicut fons aquárum, cujus
non deficient aquæ.

Graduale. Prov. 5. v. 16. Derivéntur fon-
tes tui foras, & in platéis aquas tuas
dívide.

✠. *Psalm. 111.* Jucúndus homo, qui mise-
rétur, & commodat: disponet sermónes
suos in judício, quia in ætérnum non
commovébitur. Allelúja, allelúja.

✠. Dispérfit, dedit paupéribus: justítia
ejus manet in sæculum sæculi. Allelúja.

*Post Septuagesimam, omissis Allelúja, & v.
sequenti, dicitur Tractus. Job 31. v. 16.* Si ne-
gavi, quod volébant, pauperibus, & ócu-
los víduæ expectáre feci.

✠. Si comédi buccéllam meam solus, &
non comédit pupíllus ex ea.

✠. Quia ab infántia crevit mecum mise-
ratio, & de útero matris meæ egréssa est
mecum.

*Tempore Paschali in Missis Votis omissis
Graduale, & ejus loco dicitur: Allelúja, al-
lelúja.*

✠. *Psalm. 111.* Dispérfit, de-
bus: justítia ejus manet in
culi. Allelúja.

✠. *Psalm. 83.* Elégi abjéctus esse in domo
Dei mei, magis quàm habitare in ta-
bernáculis peccatórum. Allelúja.



Sequéntia S. Evangélii secúndum
Matthæum. Cap 19. v. 13.

IN illo témpore: Obláti sunt Jesu par-
vuli, ut manus eis impóneret, & orá-
ret. Discípuli autem increpábant eos.
Jesús verò ait eis: Sinite párvulos, &
nolíte eos prohibére ad me veníre:
tálium est enim regnum cælórum. Et
cúm imposuísset eis manus, abiit inde.
Et ecce unus accédens, ait illi: Magí-
ster bone, quid boni fá iam, ut ha-
beam vitam ætérnam? Qui dixit ei:
Quid me intérrogas de bono? Unus est
bonus, Deus. Si autem vis ad vitam



ingre-

ingredi, serva mandata: Dicit illi: Quæ? Jesus autem dixit: Non homicidium facies: Non adulterabis: Non facies furtum: Non falsum testimonium dices: Honora patrem tuum & matrem tuam, & diliges proximum tuum sicut te ipsum. Dicit illi adolescens: Omnia hæc custodi vi à juventute mea, quid adhuc mihi deest? Ait illi Jesus: Si vis perfectus esse, vade, vende quæ habes, & da pauperibus, & habebis thesaurum in cælo: & veni, sequere me.

Offertorium. Tobie 12. Quando orabas cum lacrymis, & sepeliabas mortuos, & derelinquebas prandium tuum, & mortuos abscondebas per diem in domo tua, & nocte sepeliabas eos, ego obtuli orationem tuam Domino.

Secreta.

Clementissime Deus, qui veteri homine consumpto novum secundum te in beato Hieronymo creare dignatus es: da, per merita ipsius, ut nos pariter renovati hanc placationis hostiam in odorem tibi suavissimum offeramus. Per Dominum nostrum.

Communio. Jacob. 1. v. 27. Religio munda & immaculata apud Deum & Patrem, hæc est: Visitare pupillos & viduas in tribulatione eorum, & immaculatum se custodire ab hoc sæculo.

Postcommunio.

Angelorum pane refecti te, Domine, suppliciter deprecamur: ut qui annuam beati Hieronymi Confessoris tui memoriam celebrare gaudemus, ejusdem

etiam & exemplum imitemur, & amplissimum in regno tuo premium obtinere valeamus. Per Dominum.

Die xxi. Augusti.

IN FESTO S. JOANNÆ FRANCISCÆ

Fremiot de Chantal, Ordinis Sanctimonialis

lium Visitationis S. Mariae Fundatricis.

Missæ, Cognitionis, de Communi nec Virginum, nec Martyrum, præter sequentia.

Oratio.

Omnipotens & misericors Deus, qui beatam Joannam Franciscam tuo amore succensam admirabili Spiritus fortitudine per omnes vitæ semitas in via perfectionis donasti; quique per illam illustrare Ecclesiam tuam nova prole voluisti: ejus meritis & precibus concede; ut qui infirmitatis nostræ conscii de tua virtute confidimus, cælestis gratiæ auxilio, cuncta nobis adversantia vincamus. Per Dominum nostrum.


Secreta.


Illo nos amoris igne, quæsumus Domine, hæc hostia salutaris inflammet, quo beatæ Joannæ Franciscæ cor vehementer incendit, & flammis adussit æternæ charitatis. Per Dominum.


Postcommunio.

Spiritum nobis Domine tuæ charitatis infunde: ut quos cælestis panis virtute satiasti, beata Joanna Francisca intercedente, facias terrena despiciere, & te solum Deum pura mente sectari. Per Dominum. in unitate ejusdem Spiritus.











X, III, 36



979972 Bibliotheca / 8000.
P.P. Camaldulensium in Bielany

Depozyt w Bibliotece Jagiellońskiej



07897

